

康熙武定府志

武定府志序

上御極之二十三年治定功成薄
海內外風同道一

命繪天下郡邑輿圖以獻余跋涉
晉疆約畧山河扼塞風土好尚

彙圖旣竣旋捧檄自上黨來茲
武陽武故固彞區也至則圖已
繪成殊多缺畧難免固陋且攷
府無舊志卽慨然謀修輯於是
旁徵夙聞廣諮郡故持論務規

於正核事貴得其實以至宦績
鄉評寧闕而不敢濫寧嚴而無
所阿惟忠孝節義數大端凡有
裨於世道人心者不憚縷陳迨
二十八年余適奉

勅使西蜀始付剗劂氏爲帙凡四
搜羅亦旣靡遺余惟上黨之風
其壤沃而富其君子好讀書尙
氣節其小人勤而樸其俗悍而
好逞治之宜嚴所謂疆弗友剛

克也若武故固燹區也改土設
流甫二百餘年耳其壤瘠而貧
其民謀生不贍奚暇禮義苟非
賢良守令琳璫而樂育之一二
聞達者曷能與觀摩未盡士知

絃誦農安畎畝也顧風俗亦何
常之有亦人移風俗安在風俗
移人哉武縱彘區設流之後較
之從前應有間矣今日之武較
之二百年來爲何如乎士君子

修身澄源因時出政本此心之
位德而剛柔異用以治之不以
不足貽風教之憾卽以有餘畀
民物之安俾相尙以仁相化以
儉將見聿登上理與中州媲美

無難也繼此以往人文于焉日
起風俗因之丕變余知覽斯編
者誚爲固陋寡文則後之視今
亦猶今之視昔矣

音

康熙己巳中秋知武定軍民府
事陞四川松茂道按察司副
使襄平王清賢式廬甫題于
武之雲亭

修志約言

武郡僻處邊隅各屬接壤遐隰人文乍起
規模未備豈果風徽杳然貽譏大雅抑或
後先斯土者表章未盡遂使碩德善行名
山淑景湮沒無聞耳古來作者何地無人
念開疆接踵以來維持世教人心挽回習
尚者或名列仕版或身居草茅得數十人
不爲多得一二人不爲少倘前賢有美弗

彰節屋之忠貞節孝未遇闡揚長使山川
笑人適爲吾輩之羞今幸宸僚牧宰諸君
予勗予畱心世道篤志民風槩非俗吏肝
腸可共千秋不朽貴學愧雕蟲才非班馬
然而舉茲鉅典樂與觀成合用微言以倡
盛事其各博採舊聞勤咨故老首重忠孝
大義旁及隱逸高風寸長必錄小善勿遺
卽至一言一事殘簡遺書但俾風教悉宜

採擇苟能博贈卽當徵選用以搜羅古昔
簡拔今茲孰爲特崇學校孰爲勸課農桑
孰爲不畏疆禦孰爲創浚溝渠孰爲馴鳳
孰爲化虎孰爲剔蠹除奸孰爲式俗型民
孰爲高山作賦孰爲流水題橋以至蒼巖
孰秀琤泉孰甘孰爲長存古蹟孰爲新探
幽竒他如丘陵塢墓臺榭津梁峯巒澗壑
諸勝凡有關於民社均宜鑄茲乘冊而賢

於茲更有進焉五穀之其遠勝膏粱若非
饜飽之餘誰思至味美景當前習聞而習
見之視爲故常矣故曰一經品題便作佳
士古今來可歌可咏之休原非鬼斧神工
不過日用倫常布帛菽粟各盡其事便可
流芳百世垂美千年諸君子其無舍經常
而好怪誕庶俾共敦風教之雅丕昭輿圖
矣

肯

康熙丁卯春仲知武定軍民府事襄平王

清賢識



武定府志

凡例

一郡志者統兩州一縣而志之也紀人紀事不備不全
奚志之爲若稍涉他邑卽屬牽合何云武志乎故徵
文考獻無關武定者槩不敢入

一分門編例如天文地理之類提二字爲綱沿革分野
各項連綴作目亦志例之正楚雄建水志皆然湖廣
省志則平列三十餘條各自成帙而以小序引其端
今從例爲三十條

一沿華武元明前蔡段竊據紀地紀官皆用蔡語已最
難考况遠稽上古乎余沿華斷自周賁以下似覺信
而有徵

一山川武屬無地非山曲折濶洄亦無地非水有名山
大川可作表鎮者有界連黔蜀可通往來者有險隘
天成可資控扼者有一山之秀一水之奇可供登眺
者例得備書餘支山支水不敢濫載匪云掛漏

一兵防楚省志另立一條他志附入城池者居後以楚
地險要提鎮星羅故也武壤接黔蜀葵裸雜處邇雖

易鎮設協而扼要分防與楚省畧同倣其意另爲一條見綢繆之勝筭焉

一人物鍾川嶽之靈雖文章道德事功節義各有不同其增重朝野榮施桑梓無不同也彙爲一編楚豫志例皆然倣而列之以志仰止○人物存者例不立傳俟論定也卽從前人物必考于往牒徵諸輿論方敢編入本傳從畧大傳載藝文中皆遵楚豫志例非敢妄綴

一賦役特奉

恩綸

大廷斟酌盡善洵可垂之萬世矣謹將戶口田賦經費各爲臚列以便觀覽

一秩官明嘉隆以前猶隸土府元謀則土巡捕兼之府貳州正雖例用漢官往往畏難不至故時次籍貫莫可湊考求之題名各碑疊羅兵燹存燬僅半焉續見楊生抄本庶幾十有六七徵員下吏今畱姓名者蓋無幾矣掛漏之愆君子諒之

一名宦鄉賢光昭祀典非事久論定不載所以杜誦諛

正風俗也然有盛德實政洵是不朽者今日口碑卽異日俎豆楚省志例已詳哉言之矣

一二鳳之變張僉事諸公舍生取義靖難之變程編修諸公委曲求仁當各爲立傳而僉事等廿餘人則分著人物名宦中從楚豫志例也編修等十一先生並載流寓從諸先生志也至元謀徐副將慷慨陳詞捐生報

國旣已奉有

思卹謹據事大書爲

本朝忠烈冠冕不敢臆爲編列

一風俗關乎氣運論者必曰返樸還醇武俗不難醇樸患醇樸之過流爲疑畏疑畏則上下相遁非地方之福而彞民爲甚故漢人止著其時令儀節彞民必列其嗜欲好尚凡以云救也

一孝子但能問寢視膳下氣怡聲喪葬盡禮斯純孝矣割股固出天性非可僞爲表章不及者

朝廷所以重人命也謹循例與色養並載凡以至道在庸盡人可行耳義者孝之推合而成編例從楚志罔敢

諺附

一節烈坤道之變不得已而後見者也武以烈著者十之六以節著者十之四

旌表俱有待焉雖統計不過十餘人而正氣凜凜不朽也存之見綱常之重矢諸閭門如此若年例不符不敢擅入

一選舉前代立法各殊

本朝特隆制科學校科目所自出故學宮之制必詳悉言之所以重人材培根本也

流覽憑弔或地以文傳或文以人重必取關於武地
武事者登以增光餘鴻文大篇概不敢贅

一雜志者志之餘事湖廣志將明代異聞流寇焚劫諸
歲月載入按孫李亂滇天所以開

聖朝萬世之平治也今遵石屏建水志例附入沿革後此
處登紀則耳目稍異者似與雜志例合

一舊志不知燬于何年故老相傳僅十餘紙魯魚不可
句讀庠生楊顯烈年七十餘矣耳目所及輒煩紙筆
寔爲志書權輿紀載之功良未可泯

武定府志卷之一

中憲大夫知武定軍民府事陞四川松茂道按察司副使等王清賢武廬甫裁定

奉政大夫同知武定軍民府事三韓尚崇視濟菴甫

箋註

奉直大夫知和曲州事三韓趙世錫永公甫

奉直大夫知祿勸州事信都陳淳紫巖甫纂修

文林郎知元謀縣事萬全羅綸太經甫

編次

登仕郎儒學教授曲陽清祚遠甫之甫

辛酉科舉人候選知縣劉應惠亮采甫

校正

甲子科舉人候選知縣傅作舟巖臣甫

富民縣學廩生 楊搗秀來山甫

叅訂

武定府學廩生 楊澤先伯雪甫

元謀縣貢生 高朗明遠甫

全閱

元謀縣學廩生 何曾誥聖銘甫

武定府學生員 楊顯烈爾華甫彙輯

苟尚智 楊睿 李楠 楊際泰 楊啟 王亦魯

趙恒 王尚賓 朱聲進 杜文龍 任一新

繕寫

生員

趙瑛 蔡維馨 王印弘 梁立極 張紫宸

苟尚禮 董民章 徐東原 陳仁傑 董懿 夏祚隆

祿 勸 州 吏 目 武林楊錫熊天常甫校梓

目錄

卷之一

圖說

沿革

燕定事寔附

星野

疆域

形勝附

山川

風俗

氣候附

卷之二

城池

坊表衛市舖驛附

公署

兵防

堤防

戶口

田賦

經費

物產

卷之三

秩官

土司附

學校

書院義學考校附

選舉

武科附

祠祀

典禮附

陵墓

古蹟

寺觀附

祥異

名宦

人物

孝義

烈女

隱逸

疏寓

補釋

卷之四上

藝文

五言古

一首

七言古

五首

五言律

二十五首

七言律

六十六首

五言排律

三首

七言排律

三首

五言絕句

二首

七言絕句

三首

記

建正續寺碑記

楊典賢

重修正續寺碑記

失名

補遺

共三十五首

建華續歲山門碑記

失名

重修正續寺山門碑記

晁必登

武定府改土設流記

鄧世彥

潑泉亭記

馬顧澤 武侯祠碑記

何守拙

潑潑泉亭記

劉維

古松記

劉維

礪石圖書記

劉維

祿勸州紀工正賦記

何守拙

祿勸州建城記

胡心得

祿勸州知州題名碑記

李 贊

福田寺碑記

朱化孚

追贈光祿寺少卿張公忠烈祠碑記

楊春震

武定府城樓碑記

楊春震

城隍廟碑記

楊春震

和曲州城隍廟碑記

楊春震

玉皇閣碑記

楊春震

仙臺山碑記

楊春震

龍橋碑記

楊春震



袁公德政碑記

楊春震

和曲馬大夫遺愛碑記

楊春震

三惠祠碑記

齊以正

署祿勸州饒全惠政碑

傅宗龍

普照庵碑記

傅宗龍

祿勸州建學記

嚴謹

文昌帝君金像碑記

楊玄祐

司李彭公去思碑記

楊玄祐

祿勸州周公去思碑記

楊玄祐

卷之四下

藝文

建文帝遜跡獅山記

馮璉

從亡十一先生記

顧岱

遷機隍廟碑記

彭蠡

重修主皇閣碑記

彭蠡

貴陽潘公世德碑記

失名

重修學宮碑記

王清賢

忠惠合祠記

王清賢

誰園峯記

王清賢

退思堂記

顧岱

斯立樓記

王清賢

補天泉記

王清賢

拖梯水道碑記

王清賢

東園記

王清賢

獨得軒集飲記

王清賢

祿勸州文昌宮碑記

李之騷

重修武定府城垣碑記

佟世祐

遷建學宮碑記

佟世祐

字引附

烏金剛經序

劉維

西林寺記引

劉元翰

勸修武定府學引

王清賢

傳

馬中丞傳

王清賢

楊刺史傳

陳善

從大母辛氏貞節傳

楊澤先

疏

戡報武定功次疏

鄧漢

請改土設流疏

呂光洵

議

公呈附

武定府改土設流議

鄧世彥

嚴禁冒籍議

王清賢

招墾軍田議

王清賢

開金沙江議

馮 甦

請蠲新荒屯賦初議

王清賢

請蠲新荒屯賦再議

王清賢

保甲議

王清賢

屯賦請照民田起科議

王清賢

積粟備賑議

王清賢

保留司李彭公公呈

楊之祐

附

鹽蘭村辨

苟國賓

說

獅山雅集圖說

王清賢

墓誌銘

唐節婦墓誌銘

程仲愚

祭文

祝文昌誕文

王清賢

祈雨文

王清賢

祀橋神文

王清賢

贊

楊利史贊

王清賢

題跋

題有竹軒

王清賢

礪石圖書記跋

王清賢

獅子讚帖跋

王清賢

補遺

賦

登獅山賦

王清賢

讀獨得軒記賦

李之騏

重建武定府城垣府治記

陳善

文殊寺碑記

何守拙

獅山梅石亭記

何星文

和曲州題名記

孫鳴教

雜志

武定府志卷之一

中憲大夫知武定軍民府事陞用松茂道按察司副使襄平王清賢武盧甫裁定

奉政大夫同知武定軍民府事三韓尚崇禔齊菴甫

箋註

奉直大夫知和曲州事三韓趙世錫永公甫

奉直大夫知祿勸州事信都陳淳紫巖甫纂修

文林郎知元謀縣事萬全羅綸大經甫

編次

登仕郎儒學教授曲陽潘祚遠甫

本府紳士同訂

圖攷

周禮大司徒掌邦籍職方氏掌邦圖七之所繫由來
重矣迨封建廢爲郡縣或稱國或稱路或稱省大小
相維莫不有居重馭輕之勢焉不下堂堦而周知天
下之數昔人所以有圖籍之藏也邇者

聖天子命繪十五國圖獻之


天府羅四海於尺幅之中運

宸慮於萬里之外規模宏遠矣武合三邑爲宇通巴蜀
控東川其間分星之照臨地理之險易匪圖何稽乎
至城池以固圉公署以敷政學校以育才選拱


神京奠億萬年大一統之盛者按蹟可求也作圖攷志

陳淳識

星野



圖之



巨野官驛首之次

武定府




國域圖

卷之六

武定府

北至金沙江驛三里交河界 西至赤河一百一十里



武定府志
卷之三
地理志
北至金沙江驛三里交河界
西至赤河一百一十里
入祿勸州
臨河下

景州勸祿交里三間至北東 景州勸祿交里

城 隍 圖

距縣城元里

獅子山

寺

城隍廟

府衙

縣衙

和曲川

縣署

經歷司


元興寺

南門外


距縣城元里

距縣城元里

距縣城元里



武定府





武定府志

卷之五


五

府治圖





文廟圖



州曲和

西至北 西至北 西至北



泉州南安縣北門外二村至北門外


過 城 關

武定府志

大德記



和曲州



國治州



圖 域 疆

界並由和交里三，閱姓王南西


界州曲和交里




果幽和茂里五、一二并待至商校

金瓶梅


州 勸 祿




城池圖



州 勸 豚



州治圖




洲 鞠 祿


宋史

卷一百一十五

十一



文廟圖




1

栗州西和交里十六旬品勒至南西




丁巳仲夏


元 謀 縣




綠 浩 圖



元謀縣



文廟圖



武家廟志

卷之一

廿九

沿革

沿革者前代得失之林也遠人叛服可以觀德遠人
安危可以觀政真處天末蠻彝之所居漢臣方事
通唐洽蒙詔宋則棄之王莽之外不遑中國且數百
年如是而欲取遠古以迄今茲武定一郡建置沿革
之故條分縷悉之詎不難哉由元及明入職方列版
圖矣迺鳳逆煽亂後土司疊訐遷城設流訖無威禁
德政之無當豈非後人殷鑒乎我

國家赫聲濯靈恩正歲維茲武屬國

大一統之中沐膏澤而歌詠太平蓋自生民以來未有盛於

今日者也謹採傳聞可據者載之於篇用昭

聖朝德政之隆焉作沿革志

武定府

禹貢 爲梁州外境

周

爲百濮地

周書攷誓載登豳豳微盧彭濮既曰北入國皆百濮○按漢

蠻百濮渠名爲濮故曰百濮○或曰武定爲

春秋

爲百濮地

國語楚叔熊逃難於濮

戰國

屬滇國地

楚造莊蹻畧巴黔以西至滇池會秦師秦黔中地道阻不能歸遂置

王滇號滇國按廣輿記滇國即雲南府楚雄潯江廣西姚安尋甸武定並稱滇國地

秦

屬滇國地

舊志秦惠王使司馬錯伐蜀近蜀滇地皆入于秦按莊蹻王滇之

後至漢武元封二年蹻孫常羌始舉國內附則秦時仍為滇國地無疑

漢

屬益州

武帝元封二年發巴蜀兵擊滅勞浸靡莫等處滇王常羌罷舉國內附置

益州郡賜王印為益州郡長益州今雲南府

蜀漢

屬建寧郡

諸葛武侯平雍闓擒孟獲改益州為建寧郡時滇爨分五十八部

晉

屬寧州

武帝泰始七年以益州地廣分建寧為寧州置刺史鮮于嬰大康五年又

置寧州入益州立南夷校尉李毅統五十八部爨獫狁按常璩南中志寧州統郡十四縣

六十四未知孰為武定

隋

屬昆州

開皇十九年煬帝為昆州刺史尋叛
史萬歲討平之昆州今雲南府

唐

屬戎州後沒於蒙詔

天寶十一年蒙氏異牟
希僭號太蒙國建立州

縣分三十七部武定為于矢部

五代

統於段氏

晉天福二年蒙詔通海節度使段
思平攻楊于貞于矢等部助思平

于貞走死思平自立僭稱大理國

宋

段氏為羅婺部

太祖乾德三年遣王全斌平
蜀欽並敗雲南太祖以王斧

畫大渡河棄之徽外滇為段氏據者三百
年按段氏始為蠻阿劉治比其後裔孫法

无浸盛納殘泥共籠等地以其遠祖羅婺為
部名又按宋孝宗淳熙中段氏舉阿而為

羅婆部長

元

為武定路

世祖親征羅婆歸附置羅婆萬戶府并仁德于矢二部為北路以矢

格為北路總管中統中將仁德于矢各立路府本府為羅婆路至元七年改本路為武定路○仁德今尋甸州

明

為武定軍民府

洪武十五年置領州二曰和曲曰祿勸縣三曰元謀曰石

舊曰易童後廢石舊易童二縣設易門武定二所屬雲南布政使司

本朝因之領州三縣一

康熙五年裁易門武定二所歸和曲州

和曲州

唐南詔時為維

出滇及羅字之訛

婆部巨鎗旬契德諸蠻種

南

沿革

所居後自蠻據其地至段氏以烏蠻阿厠治之統于
羅婺部元初改巨筵甸爲和曲至元中立爲和曲州
明仍爲和曲州領元謀一縣

本朝因之

元謀縣

舊名華竹又名環州元時置元謀縣明初皆土巡捕
署事隆慶三年始設流官屬和曲州

本朝因之

祿勸州

南詔時爲洪農碌劣部獋人獋獋麥岔獋獋諸蠻居
之漢人十無二三元時置祿勸州領石舊易屯二縣
後裁二縣入州屬武定軍民府

本朝因之

附勘定事實

元憲宗三年遣大弟由大渡河攻大理克之羅婺部
長矣根首先歸附授羅婺萬戶侯

明洪武十五年傳友德藍王沐英等征雲南武定路
土官總管雲南行中書省叅政慈善子弄積妻商勝
備糧千石赴金馬山繳印投誠賜金帶一條授中順
大夫武定軍民府土官知府

嘉靖六年丁亥土官鳳詔之叔朝文附尋甸土舍安
銓作亂伏誅

朝文素善安銓尋甸知府馬性魯徵
安銓遺糧祭其妻于獻祿提之銓叔



嵩明等處敗守道黃昭道副使周奎等兵殺指揮
千戶王昇趙鳳馬松等官雲南大震鎮撫調各土
司討銓令朝文率土兵守嚴口明年春朝文據兵
自嚴口與銓合攻武定隔之殺同知袁傑祿勳知
州秦德等官十三人遂犯會城焚軍民房屋肆行
劫掠挾討知府職會援師至朝文等敗奔東川諸
益州營長輔佑追擒朝文斬之四月東川獲安銓
檻送會城

嘉靖四十四年鳳繼祖結諸彝作亂巡撫呂光洵討

平之

鳳繼文數後朝明子幼其妻瞿氏撫之宇土盡
職後子死子妻索林署府事繼祖瞿氏養子也

名阿倫數家嫂潘誅奪嫡挾資赴京納殺指揮楊
言已襲武定土知府逐索林巡撫敖宗慶討之倫
潛奔四川會里州陰結姚安土官高欽高鈞易門
土官王一心等為羽翼誘索林誹和殺其總管鄭
斌等七十人斬撫呂光洵檄僉事張澤督兵由尋
甸進討破圍遇害洵怒四道並遣仍發黔蜀兵會

劉倫困久絕糧賊黨懼斬倫首乞降高欽高鈞王
一心俱伏誅

萬曆三十五年丁未鄭舉叛伏誅

舉武定人富於財知府陳典以廉訪

禁舉舉置金魚腹中饋與藥免已而復收之舉惡其無厭乃糾姦目阿克騰武定殺指揮金守仁等男婦四百餘人時典以入賀在會城東等擁推官自明道以其隨其後抵會城進公移請以冠帶印信給阿克騰城三日省事不能制繼印與之賊方去會城西攻祿豐知縣蘓夢陽力戰死明年六月諸路兵至斬其家屬十一名舉等逃東川官兵追及之東川土司祿哲縛舉克獻軍前斬之

萬曆四十一年癸丑土賊沙大金作亂知府王應期

平之

天啓二年壬戌阿及張世臣倡亂知府胡其體請巡

撫閔洪學檄寧州土官祿溥平之

事詳名宦

乙酉冬元謀土酋吾必堅倡亂黔國公沐天波擒斬

之

時蜀中為張獻忠所陷黔國公沐天波恐賊至滇遣參將李大贊防會川贊素貪婪數沒必堅奎結

地棍王清劉升等據元謀叛九月初九日遣兵頭

高科吾凌霄隨武定府城內外焚劫一空二十二

日鎮撫救兵到喬甸兵七八人並突斬賊百人賊敗走遂擊李天植追至會川計擒斬之酋首會城

丙戌六月二十日土賊馬際皋等焚武定西門

丙戌土酋沙定洲既奔會城隨遣賊圍武定四十餘

日城中絕食推官陶光印多方固守城賴以全

丁亥偽將劉文秀率賊自富民南營殺戮至武定和

祿二州男婦老幼墜手者三萬七千餘人屍骨委積
慘不能狀

八月初一日龍土官焚武定府東南北三城城樓劫
和曲州知州去

賊子撒馬邑土賊秦邦明破祿勸州殺解士英偽督
賀九儀平之

十二月孫可望發賀九儀大營入武定

清治始爲營
弁所摩

庚寅僞將劉正國修武定四城樓

丙申三月二十六日李定國迎永曆至滇驅武定民

輓運烏撒民皆之

本朝順治十五年戊戌李定國敗奔永昌潰兵至武定大掠十六年己亥正月大兵入省武定耆民郭元中等至羅次投誠

康熙十二年癸丑冬吳三桂據雲南叛甲寅僞稱周元年連寇楚蜀至二十年辛酉恢復省城盪滌逆氛民乃永出湯火享萬世太平焉

星野

虞書羲和之命稽中星以正四仲蓋敬天勤民之道
俱備固非徒璿璣玉衡齊七政之運行已也僧一行
曰懸象在天其本在地因星以辨土因地以測天曰
然之理不可誣已後世占驗家一一舉而配合之稍
有不符遂生天下玩忽之心夫月離於畢至顯明也
孔門高弟憂憂難之况其他乎武統三邑而隸於滇
冀爲井鬼分野井度濶鬼度狹似當屬井而不屬鬼
古記之矣僧一行又有起東井入柳六度盡西南爰

地之說論者宜何從焉總之王者修德必敬天敬天必勤民縮章緩蒞茲土惟務體

聖天子仁愛盛心以無負上應列宿之意或者其有合乎若考彊次之微渺徵人事之瑞應則俟博雅之君子可也作星野志

武定府

天文井鬼分野入參星一度

舊志出漢書

武在寅之

西北爲梁州外境按川陝並屬梁州廣輿記以川屬井鬼寅亦屬井鬼又曰寅西北屬井鬼東南兼參

武定接壤於川又在滇西北似仍屬井鬼爲近云
攷明崇禎三年熒惑入井鬼舉沙定洲及孫可望據
滇爲驗然亦通省之事未可一域當之爾

疆域

古者建邦啓土必畫埜分疆而治之非誇形勢而後
遠畧也守險固圉任土作貢歷代以來未之或易焉
武四維千里絳雲扼其東金江繞其北西控巴蜀南
連滇雲方域燦然可覩矣獨是彌望荒崖林箐深密
非平時衍沃之觀洵爲山國與區耳因勢而爲之計
存乎執政者之經畫而已作疆域志

武定府在雲南布政司西北二百里東一百一十五里

至普渡河交尋甸州界西三百里至烏山嘴交大姚

縣界南四十里至白花山交羅次縣界北五百里至

獅子廠交四川會川衛界東南六十里至者度關交

富民縣界西南三十里至談柳贈交廣通縣界東北

二百四十里至罵羊村交彝甸州界西北四百里至

姜驛交四川會川界東北達

京師一萬零二百里

和曲州附廓東十五里至大坡頭交祿勸州界南四十

五里至白花山交羅次縣界西一百一十里至以赤

朗交元謀縣界北一十三里至克梯交祿勸州界東

南 七十三里

至雞街茶菴交富民縣界

東北十三里

至雄

關交祿勸州界西南

三百六十一里

至武鄉路交廣通

縣界西北

三百里

至金沙江交會川黔界

元謀縣在府治南

一百七十里

東十五里

至清溪哨交

和曲州界西

五十里

至大路交定遠縣界南

三十五里

里

至勒品甸交和曲州界北

九十里

至金沙江交

曲州界東南

一百里

至勒品甸交和曲州界東北

百里

至環州驛交和曲州界西南

六十里

至勒品甸

交和曲州界西北

一百里

至烏山哨交大姚縣界

祿勸州在府治東北十五里東一百里至普渡河交尋

甸州界南五里至馬山溝交和曲州界西三哩至秀

屏山交和曲州界北十二哩至克梯交和曲州界東

南三十五里至硝井交和曲州界東北二百四十里

至罵羊村交尋甸州界西南三哩至雄關舊有坊三

今廢交和曲州界西北三百里至金沙江交會州南

界

形勝附

武定府

四維千里峭壁懸崖諸菁澁阻

本郡山勢發自祿豐縣迤邐二百里至九廠綿亘獅山之麓結郡左翼筆架山右輔天馬山支雲一塔高峙如峯南北兩河濛迥似帶言其險固四面制敵言其衝要滇蜀交馳省會之藩籬滇西之右臂也

和曲州

鳳岫獻翠於東獅屏枕峙其西昆水來自西而濔繞其南金江源於東而襟帶其北山川層疊周環拱衛

元謀縣

東則馬頭高數百餘丈西則長山亘數十餘里金沙
繞其北西溪滌其南

祿勸州

據崇岡面白塔溪流滌洄山嶺合沓巉巖嶮峭村舍
參差

山川

寓中之有山川古王者柴望繫焉禹貢載名山大川
獨詳詩曰懷柔百神及河喬嶽誠重之也武四維千
里層蠻曲澗更僕難悉雖屬在徼外守土者咸得奉
天子命依時致祭用保乂我黎民煌煌鉅典哉若夫關隘
可以守險津梁可以便民勝景可以流連而登眺固
人事之區畫不可謂非天然之結構也况界連黔蜀
苗獠之所窟穴稍有出沒輒開封疆尺地寸壤不容
稍忽者乎作山川志

和甯州

五鳳山

在府城正東環翠拱峙風脉攸關吳士朱彥培有劍谷二龍超武郡峯廻五鳳見文章之句

二龍山

在府城東北有鳳氏亭臺遺址

白塔山

在府城東上有支雲塔王荀凌霄閣郡人文係

白花山

元鎮山

俱府城南

獅山

在府城西八里高千餘仞巖石嶙峋狀如獅形山建正續寺淨土庵冠虛飛爽諸樓閣登

出雲表翕其巔見水流曲折潺湲有聲亭曰漱泉
明侍御劉維所建也自撰衣庵禮斗臺而下峯廻
路轉正續寺後建文遺像十一先生姓氏在焉令
人察狀有患難君臣范弔悲歌之感至苦盤陀石

中峯雲崖映帶左右琪花寶樹異鳥珍禽述之不能盡云
明御史劉維遼獅山聖者劉至道告曰公登春山之全也山以似獅得名所以近在寺後有奇觀焉請登之固請維往至則見山勢上仰而大張如獅之齧中臺突出作吐舌狀儼然相肖請建文潛此理或然也嘆賞久之

三台山

在府城西八里高百仞疊起如台

雄軸龍山

在府城西八十里形勢峻峭林木茂密

猗朶山

在府城西有泉下流爲南甸洞

鯽塋山

在城西二十五里山勢險隘有瀑布千餘丈下注成池名鯽塋每歲暮春農民沐浴於此

陸匿歪山

在府城西幾平可居萬戶

酒拍山

在府城北

佐丘山

在城北十里山中平坦花木長春有澤廣五
畝無盈涸名洗馬池一虎為勦漢溪一流為

東坡澆

元謀縣

茶房山

在縣治東二十里即馬頭山之巔也高數百
餘丈特出衆山正專貌頂極目四望不健縣

元陽

馬皆在覽中而大鄭定遠諸峯盡供眼底真
大觀也又為西蜀往來通衢與和縣州縣

三

之望城關相接山高無水行人苦之順治初縣人
建庵置僧其間刻木引泉煮茶施濟以解征途之
渴故以茶房山名焉

雷應山

一名任雄山在縣治東北五十里壁立萬仞
高莫與並佳木葱蔭井泉清潔法林活佛云

爭堪稱古剎環州募
連諸峯實有奇觀

環州山

即和曲土舍李小黑之住山也山雖諫州而山峯山面實翠列于縣之東北與雷應山相

為倚依全江遠其北西溪深其面遙望層巒疊嶂峭壁巉崖樹木深秀儼若障天翠屏

長山

在縣治西北五十里綿亘數十餘里週圍多石壁俯瞰臨大河其間有洪福寺之清雅海

會堂彌勒寺之幽淡明季吾必奎叔結寨於此至今尚有遺跡故又以吾必奎土寨名焉

祿勸州

烏蒙山

在州東北二百里一名絳雲露山北臨金江山有十二峯聳秀為州諸山之冠無分冬夏

常有積雪烏龍泉水出焉流為烏龍河蒙氏俗封東嶽相傳神物據之人鮮至其巔者

白塔山

在州正東二里

蕉山

在州北十五里危絕後康熙二十五年州士民爭水構訟知府王清賢步陟其巔得水一



泓論令分溝溉田訟隨
解立碑文載藝文志

秀屏山 在州北門外州治舊址今為文殊寺

三臺山 俗呼龍三藏在州北五十里四圍峭壁懸崖
密林豐草羊腸一徑終迴曲折而上頂寬平
可容萬馬又有清泉一灣曲流成洞昔鳳翔文為
屯兵之所故跡猶存

仙臺山 在州東南二十里飛泉瀑布出斷崖石峽中
下則草木藤蘿盤如溪谷昔人建道院其上
樓閣掩映常有
烟雲飄渺之狀

擁翠山 在州北二十里建昌祖閣于山半層巒疊嶂
峻壁飛泉從溪聲鳥語中踏澗穿林而上故
云擁翠

船山 在州東北六十里撒馬邑因山似船形故名

元女山

在州東南十五里七星庄後俗傳有女被風吹於崗上化為石鳳氏建七星庵於左像北

星之朝

元女云

鐫字崖

在州北二十里法泥則村旁一名紅崖峽山崖峭下臨掌鵠河鳳氏世系刻其上

幸丘山

在州北二百里上易竜後洪治中土府鳳莫開四面陡絕頂出三峯可容數萬家昔為

發寨天生之

險兵不易破

淞塊山

在石舊縣西三十里四面峭立惟東南一徑可容車傍有哀阿龍山

玉峯山

在州北二十里拖梯村山勢嵯峨林木叢密左流綠水一灣右列青松半畝天光雲影枕

從頂上飛來

亦勝地也

和曲州

香水泉

在城東二里春時水香飲之消疾夏日洗頭去風

盤龍河

曲述紆迴襟帶府城

鳩水河

補天泉

飲馬泉

清水泉

龍口

銀糟河

在城西南二十里水味甘冽盛夏沁齒

阿河

乾河

白龍井

烏龍洞

仙人洞

古白洞

勒洩水

流入金沙江

金沙江

元謀縣

西溪河

在縣西言自鎮南楚雄荒至法新禾入苴寧達金沙江

金沙江

溫泉

在法納禾

祿勸州

盤龍河

由府城遶州西南入掌鳩河

掌鳩河

在州東門外緝麻東南流折而北入普渡河

楊鳩河

在州北一百里卽掌鳩河上流

普渡河

在州東一百里東北流入金沙江

二道河

在州北一百五十里

三道河

在州北二百里總掌鳩上流隨曲得名

溫泉 有二一在昔渡河內一在章鵠河內

惠嫺湖 許景致

大龍潭 在州東南十五里統吉村前長十餘丈寬五丈冬夏不涸統吉村田資其產穀

小龍潭 與大龍潭相連連七星庄田

大彌陀潭 在州東南六十里出本莊山上本莊民灌田

烏龍河 泉出烏蒙山下流為河取水者必昇思蓋有聲响水即不人器中故也

啞泉 在州東北鸚鵡嘴下喉飲者不惟令人啞且以傷生

金沙江

開梁

和曲州

望城關

在元謀之茶房山

石門關

在金江邊元武德將軍安慈建

龍街關

永樂五年土府薩周建

小甸關

永樂五年建封而關樓三座今廢

興文橋

在北門外

鎮武橋

惠民橋

在北門外

太平橋

思惠橋

在福田寺前康熙二十六年知府王清賢建

虎市橋

龍潭橋

通遠橋

弘治十二年建

高橋

正統十年河寧建

聚寶橋

弘治九年建

濟溪橋

在冷村天順七年建

清風橋

在平泉甸舊名龍橋

明月橋

在平泉寺右



太管橋

久羅橋

便民橋

在西村今圯

元誅縣

大板橋

在縣西一里土縣吾起建

祿勸州

雄關

在州西南二里今廢

拖梯橋

康熙十八年僧學顯建

魯虛橋

在州北八里

五馬橋 在鵲陽河去州一百里今廢

勝景

和曲州

躍龍夜月 泮池

香泉被袂 在府城東二里春日水香莫春時人爭盪酒被濯俗云濯之去疾至立夏三日止

惠橋烟雨

佐丘花木

獅山

諸天樓閣

萬壑煙霞

古樹棲雲

曉巖接日

曲水流觴

寒泉瀑布

翠擁中峯

花開文苑

振衣處

鰲石

盤陀石

寬平可坐數十人烟霞萬壑與松濤島語相映根則玲瓏古峭殊有奇致

誰闢峯

康熙二十七年知府王清賢建坊銷石有眠高青冥上氣歷自雲低等句

元謀縣

任雄活佛

雷應山

水盃觀音

月篩古樹

日燦金沙

一慙亭

在西門外建於康熙癸丑年樓結兩層檻開八面參天喬木半畝濃陰傍庭流水一灣當

戶綠晴千頃畫元陽之佳景也



祿勸州

秀屏排闥

卽北門外文殊寺也高數十丈一徑紆折而上梵宇弘敞後山聳出如屏掌鳩遊其

前盤龍環其右群峯排拱原隰繡錯花香鳥語之勝悅人心目知府王清賢勸農常憇其處題曰真

之峩眉

鳩水廻瀾

在州東白塔山下

石牛臥水

在安甸庄大河內

溫泉浮玉

在州東一百里達磧村旁普渡河內泉源潔清見底浴之可以療病泉畔松風鳥韻

饒有磯致

武陵洞

在州北四十里甲甸背山左側廣十餘丈深里許洞口藤結雲封中有石人石獸之屬形

狀萬千石聲或如鐘鼓遊人
燃炬可入亦世外桃源也

仙人洞

在州北二十五里跨輿洞內石棹一張寬數
尺列石棋子數枚如殘局然傳謂仙人遺跡

云今跨輿一帶有剛石如棋子尖石如雙陸者
甚多

龍骨洞

在州東南五里河東村左有山一壁高數仞
洞居山半從鳥道中扳崖而上口濶數丈中
分兩層內有石橙石床外列蒼松翠柏蔭翳
清氣逼人登眺之餘心脾一快甲子歲居民建樓
于上掘地得龍
骨因以名焉

風俗

上行下效謂之風衆心安定謂之俗故盛治不易民
周索戎索因地制宜所固朕也武漢彝雜處民樸而
儉士醇而不浮有先民遺風焉彝人種類實繁嗜好
各異然疑畏性生出門輒佩刀弩則諸彝略同雖曰
淪胥旣久安可不思所以轉移之哉我

皇上大治濯俗土官並許貽封子弟令得入學文明之盛
視前代有加矣太史公曰吏治如救火揚沸非武健
嚴酷惡能勝任而愉快乎孔子曰道之以德齊之以

禮有恥且格豈弟君子欲使化行俗美蠻彝從風其何從與作風俗志

武定府

漢人

歲時節序之俗與各省相同者如衣冠皆遵時制元旦祀天地祖先相賀上元張燈火清明掃

柳掃墓瑞陽飲首蒲雄黃酒中元祭先祖中秋果餅拜月重陽飲菊花酒十二月二十四日祀灶除

夕等歲

以上敘事按漢人來自各省故與各省相同與各省稍異者元旦採松葉鋪地敬客亦然正夏日以灰圍屋謂蛇不敢入六月二十四日夜陳薪為燎燃之以腥肉為牲互相餽請謂之火把節又謂星回節相傳漢養婦阿南夫為人所殺誓不從賊以是日赴大死國人哀之故為此會南詔皮

周敏并五部建松栢樓為五部同王祭禮因舉火焚之人無識其諱者惟脚脫詔妻慈善勸其夫勿行夫不從慈善以鐵鎗約夫臂既而果被焚死各詔其妻慈善以鐵鎗救得夫屍陳皮罪歸其賢智無妻之慈善待諸葬後閉城自閤南諸國之食盡盛衣冠自縛于坐竟以餓死俗謂星回節惟慈善足以當之一云孔明以是日擒孟獲侵夜入城父老設燎以迎
通志又云為炬始田前以火色占農
一曰焚蟲
一曰逐疫未知孰是除冬燒雙羅香以辟邪

以上數事按漢人漸于蠻俗故與各省稍異

漢彝俗舊不務蠶桑紡織知府王清賢設法委曲教導之始稍知習業

回回

惟設其教曰教至不食猪犬非己殺之牲畜不食

黽汰

儻士者男子以怕爲冠婦人出輒以怕覆頂而

共中朝望
不容乞火

罷葵

性畏寒喜浴別有書字女人挑担男子抱兒耕
白造米不食夙糲此種元謀縣爲多

裸蘓

潛居溪山板片爲屋種蕎稗爲食

獬狷

在和曲之舖面永兆祿勸之碓井等處爲多耕
種山田肩挑背負採薪揀菌貿易塩米

白葵

即自羅保住和曲之麻地法煎祿勸之大弥陀
龍潭等處性狡包頭洗面不搨髮髻逆春日社

各衙門吹
笙跌麻

黑葵

醉農羅保雜處山阱中纏頭跣足挽髮提刀暴
人辨髮用布裹頭不分男女俱披羊皮婦女與

皮一片繩一根爲負背之具或用竿敲爲杖以
以海地鋪之熾火草麻布爲生星回節郊祀殺牲

祭祖先老幼圍坐火下吹笙擗跌飲酒爲樂其祝
以鈴其占以珓錢草筭或雞羊骨爲之相見亦有
草草上下之禮交易用木刻記數別有書字見葉
人輒避性畏鬼親死葬之以火遇有疾病請親爲
禱祀之
崇用豬羊

麥翁

住自沙要婦以牝牛爲聘吹笙飲酒担柴荷簍
治生勤苦

氣候

武定府

四時平和無嚴寒甚暑百姓有四時無寒暑二雨便成冬之誼雖在臘月山中多不卸之花

和曲附廓祿勸去府僅十五里氣候相同祿屬散內沿江一帶居長林豐草之中當烏屯風雪之厲氣候頗寒觀藝民因淺種解地多種蕎麥可見

元祿縣多暑有瘴厲楊升菴詩有三月春草青元謀不底行五月草交頭元謀不可遊之句雖先生自道

其無聊之詞而元謀之偏亦暑亦可知矣